

nis præcipuè ad vasa. Quorum cum non minor sit complicatio, quàm in hepate; fiat autem ibi coctio: quæ ratio reddi potest, Cur heic non fiat? Nimirum, regula est 4. us. part. 13. & alibi, Ubiubi sunt complicationes, ibi nova aliqua fit elaboratio. Et heic cum sint, non fiat?

Hoc planius fit ex antithesi, de qua supra. Si enim propter excrementum ita factus est, quid opus erat tantâ curâ, cum sufficeret sola cavitas?

IV. Lusus Naturæ, quos τέρατα vocat Aristoteles. 1. Hist. 17. 2. Hist. 17. 6. Hist. 21. aut σημεία. 3. Hist. 20. Scribit enim is 1. Hist. ἤδη ὡπλᾶ μετηλλαχότα τὴν τάξιν ἐν τισὶ τῶν τετραπόδων. Intellige, in dextris fuisse lienem, in sinistris hepar. Et 4. Gen. 4. ἤδη δὲ ἐγένετο κ. μεθεστηκότα κ. τόπον, τὸ μὲν ἥπαρ ἐν τοῖς ἀριστεροῖς ὁδὲ αὐλὴ ἐν τοῖς δεξιοῖς. Et Plin. 1. 11. c. 37. Cum hepate aliquando locum permutat, Lien, putâ. Et ne tergiverferis, Dicit hæc de quadrupedibus tantum, audi Herophilum, 1. 2. Anat. suæ, ut quidem Gal. citat. 6. Ex Anat. 8. scribentem, In paucis quibusdam hominibus hepar esse in sinistris. Et ne desint testimonia nostrorum hominum, adde Corn. Gemmam in Cosmocr. & Cyclogn. (& qui